

Sourdardet va Brô

461

War don : " Breudeur
ni glev ho klemmou "

D'al Louzaouer Ar Fur.

Soudardet a Vreiz-Izel
Kousket enn douveziou,
Den all na neuz, er brezel,
Ho nerz hag ho poaniou.
War ar c'hrimennou pella
Falc'het gant ann Anko,
Bepred e zoc'h da genta,
O Soudardet va Brô !

2

Ma ver e devalijen
Ha tost d'ann enebour,
Piou a roio sklerijen,
Ha digaso sikour ?
Dreist holl, ma breudeur Arvor,
E touez ar fank, ar goad,
Dreist-holl war hent ann enor,
Breiziz a galoun vad !

3

O Franz, war da Vretoned
Distrô da zellou skler,
D'anaout ho fealded,
Ho zouj enn da genver,
Digor frank da zaoulagad,
Ha, beteg ar maro,
E weli gant kalounad
O stourm Pôtred va Brô !

4

Pa lugerno ann devez
Ma zistrofomp d'ar gear,
Klevit, gant al levenez,
O tinsal ar c'hleier,
Ann evned ô richani,
Er gwé leunn a vleunio :
Gloar, enor a meuleudi
Da Soudardet va Brô !

Josef IAKOB.